

**Kontakt:**

Amra Turalić  
(917) 302-2702  
[aturalic@gmail.com](mailto:aturalic@gmail.com)

ili

Edita Zulić  
(646) 752-5030  
[edita@bhffnyc.org](mailto:edita@bhffnyc.org)

**ŠESTI GODIŠNJI BOSANSKOHERCEGOVAČKI FILMSKI FESTIVAL (BHFF™)  
ZVANIČNO OTVARA KONKURS ZA PRIJAVU FILMOVA**

**Njujork, 2. februar 2009:** Šesti godišnji Bosanskohercegovački Filmski Festival (BHFF™), koji će se održati u New Yorku u maju 2009, objavljuje otvaranje zvaničnog konkursa za prijavu filmova, koji je otvoren do 15. marta 2009. godine.

Od osnivanja 2003. godine, festival je privukao značajnu pažnju javnosti kroz međunarodno priznate filmove, stekavši ugled izlaganjem bosanskohercegovačke kinematografije. Ovaj jedinstveni kulturni događaj koji je organizovan od strane dvije neprofitne organizacije u Njujorku, Radio Glas Bosne i Hercegovine i Akademija Bosne i Hercegovine, predstavlja nove talente moderne evropske kinematografije, ujedno pružajući jedinstvenu priliku američkoj publici da se upozna sa filmom i kulturom Bosne i Hercegovine.

Iako Bosna i Hercegovina, površinski jako mala država, proizvodi samo nekolicinu igranih filmova godišnje, njeni filmski stvaraoci su svjetski priznati, a njihovi filmovi, iako nisko-budžetni, su dobitnici mnogih nagrada i priznanja. Nedavni primjeri su film "Ničija zemlja" dobitnik Oskara, film "Grbavica", koji je osvojio Zlatnog Medvjeda na Berlinalu te kratki film "U ime sina", koji je primio dvadeset internacionalnih filmskih nagrada.

Filmski odbor BHFF-a će uzeti u razmatranje igrane i kratke filmove, dokumentarne, kratke dokumentarne i animirane filmove bosanskohercegovačkih reditelja, bosanskohercegovačke produkcije ili filmova čija tema je Bosna i Hercegovina. Filmovi koji uđu u zvaničnu selekciju će se takmičiti za BHFF nagrade publike "Zlatna jabuka".

Za dodatne informacije i prijave za BHFF™ posjetite <http://www.bhffnyc.org>. Oni koji su zainteresovani za sponzorstvo BHFF-a ili individualne donacije mogu kontaktirati Almira Lucevića ([almir@bhffnyc.org](mailto:almir@bhffnyc.org) ili (917) 250-1200).

**Bosanskohercegovački Filmski Festival (BHFF™)** je godišnja manifestacija koju organizuju Radio Glas Bosne i Hercegovine i Akademija Bosne i Hercegovine, a koja ima za cilj promociju bosanskohercegovačke kinematografije na području Sjedinjenih Američkih Država, te upoznavanje šire javnosti sa novim djelima istaknutih i mladih bosanskohercegovačkih reditelja ili filmova na temu Bosne i Hercegovine. Za dodatne informacije, posjetite web-stranicu <http://www.bhffnyc.org/>.

**Radio Glas Bosne i Hercegovine** je neprofitna organizacija posvećena očuvanju i jačanju svijesti o bosanskohercegovačkoj kulturi u New York-u i šire. Radio Glas Bosne i Hercegovine emituje sedmični radio program na bosanskom jeziku, a istovremeno je i organizator mnogobrojnih kulturno-društvenih manifestacija za imigrante iz Bosne i Hercegovine. Za dodatne informacije, posjetite web-stranicu <http://www.voiceofbh.org/>.

**Akademija Bosne i Hercegovine** je neprofitna organizacija sa sjedištem u New York-u, koja ima za cilj povezivanje mladih iz Bosne i Hercegovine koji žive na prostorima Sjedinjenih Američkih Država i širom svijeta, unutar svojih profesionalnih interesa. Akademija pruža platformu svojim članovima za vodstvo i implementaciju kulturno-umjetničkih i edukativnih programa u svrhu prezentiranja dostignuća dijaspore, te ostvarivanja čvrstih veza sa Bosnom i Hercegovinom. Za dodatne informacije, posjetite web-stranicu <http://www.academybh.org/>.

###

